

錦繡萬花谷別集


六之十二

漢書門			
一	二	三	二九七〇
冊	架	函	號

内閣文庫			
三六	二九七〇	漢	書
冊	架	函	號


内閣文庫			
番號	漢	2970	
冊數	16 (12)		
函號	365	29	





錦繡萬花谷別集卷之六

皇后



齊宣列女傳周宣姜后齊侯之女也宣王嘗夜卧晏起姜后乃脫簪珥待罪於永巷使傅母通言於王王曰寡人之過夫人何辜遂勤政事成中興之君焉

金波合義璧晋后妃傳序作配皇極齊体紫宸象玉牀之連後宮喻金波之合義璧爰自負古是謂元妃降及中序乃稱王后

裙不加緣後明德馬皇后傳永平元年立為皇后裳衣大練裙不加緣六宮莫不咲息

后後正獻皇后傳正獻皇后生文宗文宗立上尊號曰皇太后初太和中懿安太后居興慶宮寶曆太

淺

年

后居義安殿后居大內號三宮太后開成中正月望夜
帝御咸泰殿大燃灯作樂迎三宮太后奉觴進壽礼如
家人

夢龍椽胸漢高祖薄姬文帝母也父吳父与魏王宗女
魏媼通生姬許負相當生天子漢王見薄姬有詔內後
宮姬少時与管夫人趙子兒相愛約曰先貴毋相忘及
兩美人侍漢王相與笑初時約漢王問其故兩人以实
告是日召欲幸之姬對曰昨暮夢龙掘妾胸上曰是貴
徵也吾為汝成之遂幸有身生文帝

椒房東漢皇帝紀質班政蘭閨宜礼椒屋註云即
椒房也

内輔晉書刘聰妻刘氏名娥字丽華聰既僭位召拜

后起朝儀殿以居之廷尉陳元達切諫娥時在後堂手
疏啓曰自古敗国喪家未始不由婦人妾每覽古事忿
之忘食何意今日妾自為之後人之視妾亦由妾之視
前人復何面目仰視巾櫛請婦死此堂以塞陛下誤惑
之過聰寤之色变以娥表示元達曰外輔如公内輔如
此后朕無憂矣

太子

周公負成王霍光傳趙婕妤有男上心欲以為嗣命
大臣輔之察羣臣惟光任大責重可屬社稷上延使黃
門畫者畫周公負成王朝諸侯以賜光後上病篤光涕
泣問曰如有不諱誰當嗣者上曰立少子君行周公之
事帝崩太子褒尊位是為孝昭皇帝

少陽 顏延年曲水詩註太子育德於東宮東宮少陽也
虎圍齒胃 王元長曲水詩儲后睿哲在躬妙善居質內
積和順外發英華斧藻至德琢磨令範言炳丹青道潤
金壁出左樓而問孺入虎圍而齒胃愛敬於一人光
耀究於四海

金聲玉潤 晉潘尼皇太子釋奠頌尊道遜齒降心下聞
鋪以金聲光以玉潤

帝範十二篇 唐太宗作帝範十二篇以賜太子曰君体
建親求美審官納諫去讒戒盈崇儉賞罰務農閱武崇
文且曰脩身治國備在其中

黃臺瓜 唐承天皇帝從傳李泌與帝語倏事帝泣曰事
已尔未耐何泌曰陛下嘗聞黃臺瓜乎高宗有八子天

后所生者四人睿宗最幼長曰弘為太子仁明孝友后
圖臨朝鳩殺之而立次子賢賢曰憂惕每侍上不敢有
言乃作樂章使工歌之欲以感悟上及后其詞曰種瓜
黃臺下瓜熟子離離一摘使瓜好再摘令瓜稀三摘尚
云可四摘抱蔓歸而賢終為后所斥死黔中陛下今一
摘矣謹無再是時廣平有大功亦為后所構故泌因對
及之廣平遂安

鶴駕 通霄鳳輦備雞鳴問寢龍樓曉○竊聞太子已
傳位聖德北服南單于花門務面請雪耻慎勿出口他
人徂並杜甫

宗室

公室 漢葉左文七年宋昭公將去羣公子樂豫曰不可

公族公室之枝葉也若夫之則本根無所庇蔭矣葛藟猶能庇其本根故君子以為比况國君乎

分枝若木 魏王固表王孫公子不鏤自彫非鸞則鳳分

枝若木疏派天潢宜親宗室強幹弱枝以立萬世之計

盤石之宗 漢中山靖王傳武帝即位大臣吳楚七國行

事議者多寃晁錯之策皆以諸侯連城數十欲稍侵削

諸侯王自以骨肉至親先帝所以廣封連城犬牙相錯

者為盤石之宗今為臣下所侵辱建元三年勝來朝天

子置酒勝泣具以吏所侵聞上乃厚諸侯之禮加親親之恩焉

樂宗英 漢河間獻王等贊大雅卓爾不羣河間獻王

近之矣又叙傳云河間賢明禮樂是脩為漢宗英

為宗臣表 唐李勉傳少喜學內沉雅外清整其在朝廷

鯁亮廉介為宗臣表

宗室須袖 北魏宗室澄少好學文明太后謂李冲曰此

兒風神吐發富為宗室領袖澄字道鏡

瑤山玉彩 唐孝敬皇帝命許敬宗楊思儉即文思殿摘

採古今文章號瑤山玉彩凡五百篇書奏帝賜物三萬

段餘臣賜有差

情遊江海 南史齊宗室衡陽王鈞傳會稽孔珪家起園

植桐柳構山泉鈞往遊焉珪曰殿下處朱門遊紫闥詎

得與山人交邪答曰身處朱門而情遊江海形入紫闥

而意在青雲珪大美之

高帝子孫盡 尚準龍種自與常人殊○特進群公表

天人夙德升霜蹄千里駿風翻九霄鵬服禮求毫髮推
忠忘寢興○自多親棟蓼誰敢問山陵學業醇儒富辭
華哲匠能筆飛纒聳立章罷鳳塞騰贈特進汝陽讓帝
子眉宇真天人亂鬢似太宗色映塞外春往者開元中
主恩視遇頻出入獨非時禮異具群臣愛其謹潔極倍
此骨肉親贈汝陽神堯十八子十七王其門道國及舒
國實惟親第昆子建文章壯河間經術存溫克富詩禮
骨清慮不喧李我文時英特宗枝神堯後珊瑚市則
無駭驥人得有早年見標格秀氣衝星斗事業富清機
官曹正獨守頃來樹嘉政皆已傳衆口贈李入期朱邸
雲朝傍紫微垣枚乘文章老河間禮樂存禮並杜甫手
宰相

黑頭三公晉諸葛恢傳為臨沂令名亞王導庾亮謂曰
明府當作黑頭三公又北史魏元或少有才學崔光見
而謂人曰黑頭三公當此人也

左轄杜贈韋左丞詩左轄頻虛位今年得舊儒舊註云
晉天文志轄星傳軫兩旁主王侯左轄為王者同姓右
轄為異姓

起徒步漢公孫弘傳元朔中代薛澤為丞相先是漢以
列侯為丞相惟弘無爵上於是詔封為平津侯弘起徒
步數年至宰相封侯於是起客館開東閣以延賢人與
參謀議

再入三八四八五入唐宰相再入者長孫無忌狄仁傑
李吉甫三入者劉幽求張說延賞鄭畋四入者韋巨源

姚元崇韋安石五入者蕭瑀裴度

卞氏六龍三十國春秋卞粹以清辯稱兄弟六人並登
宰輔世稱卞氏六龍

九十八族唐宰相三百六十九人九十八族

相門有相魏曹植傳相門有相夫相者文德昭也文德
昭則可以正國朝致雍熙稷契夔龍是也

黃閣三十年唐皮日休詩吾愛房與杜魁然真宰輔黃
閣三十年清風億萬古

冥間金榜唐記云崔昭暴卒復生云見冥間列榜備書
人間姓名將相列金榜其次列銀榜州縣並列長鐵榜
有宰相器前何武為郡吏何壽為太守知武有宰相器
以其同姓故厚之

拂衣五湖文選謝靈運述祖德詩賢相謝世運遠圖因
事止高揖七州外拂衣五湖裏註云賢相太傅謝安也

三傑詩唐宋璟為尚書右丞相張說為左丞相乾源曜
為太子少傅同日拜有詔大官設饌太常奏樂會百官
尚書省東堂玄宗賦三傑詩自寫以賜

三到鳳池湘山野錄云退傅張鄧公士遜晚春乘安輦
出南薰繚繞都城游金明抵暮指宜秋而入闈兵捧門
牌請官位退傅止書詩於牌云閒遊靈沼送春回關吏
何須苦見猜八十衰翁無品秩昔曾三到鳳池來

中國相司馬國朝司馬公遼人遣使入朝與吾使至虜
者虜必問司馬公起居及為相遼人敕其邊吏曰中國
相司馬矣慎毋生事開邊隙

白麻出必壞之唐李甘傳累遷御史鄭注侍講禁中求
宰相朝廷譁言將用之甘倡曰宰相代天治物者當先
德望後文藝注何人欲得宰相白麻出我必壞之

骨鯁宰相唐李絳傳李吉甫嘗盛贊天子威德憲宗欣
然絳曰今日西戎內訌烽燧相接加水旱無年誠陛下
焦心求濟時之畧渠便高枕而卧哉帝入謂左右曰絳
言骨鯁直宰相也遣使者賜醪醪酒

詩十年間纜濟川舟今日開懷叙九疇道合自符伊鼎
用人賢非在傳巖求寰區更喜民無病稼穡先知歲有
秋長與聖朝恢壽域食霞難訪赤松遊陳亮上清如冰
玉重如山百辟嚴趨禮絕攀強虜外聞應破膽平人相
見盡開顏朝廷有道青春好門館無私白日閑致却垂

衣更何事幾多詩句詠閑閑岑參上錦衣猶帶御爐香
宮殿移麾耀寵光千里龍舒新政令九重鳳閣舊文章
學窮造化乾坤窄醉聽笙歌日月長早晚歸來秉釣軸
再為霖雨霈多方詹用之上直須待見為堯舜未敢輕
浮作頌聲王龔源退身高卧楚城幽獨掩雙扉漢水
頭春草雨中行徑沒暮山江上捲簾愁幾人猶識孫洪
閣百口同乘范蠡舟早晚却還丞相印十年空被白雲
留劉長卿上李相四朝憂國髮如絲龍馬精神海鶴姿
天上玉書傳詔夜陣前金甲受降時曾經庾亮三秋月
下盡羊曇兩路碁惆悵舊堂肩綠野夕陽無限鳥飛遲
裴諱公一戰文場拔趙旗便調金鼎佐無為白麻驟降
恩何極黃髮初聞喜可知拔敕案前人到少築沙堤上

馬歸遲立班始得遙相見親洽爭如未貴時王漸格上
參政

父見其進拜退朝錄參知政事父見其進拜者盧宋崖
吳正肅與尚書張公安道樞副陳堯叟張文孝吳文肅
由登用而朝廷多峻加其父恩命

今之孟母賈黃中兩受詔知貢奉多東掖寒俊號為無
私又掌吏部選事除擬官吏數千員品藻精當上益知
其才拜給事中參知政事召見其母王氏命坐與語曰
教子如此真所謂今之孟母也因賜詩以美之賜予甚
厚

劉樹下牀後魏古弼太武時為尚書令參知政事時
上谷人上書言苑囿過度人無田業宜減太半以賜貧

者弼覽見之方欲陳奏遇太武與給事中劉樹基不聽
事弼侍坐良久不獲申聞乃起於太武前摔樹頭掣下
牀以手搏其耳以拳歐其背曰朝廷不理爾之罪也太
武失容放碁曰不聽奏事過在朕躬樹何罪致之弼具
狀以聞太武奇弼公直皆可其奏

年不可及翰林盛事唐崔湜初執政也年二十七容止
端雅文詞清洒嘗暮出端門下天津馬上自吟曰春還
上林苑花滿洛陽城張燕公時為工部侍郎望之杳然
而嘆曰此句可效位可得其年不可及也

與宰相職業均丁未錄除張方平制參議大政雖下丞
相一等至於坐斷廟堂之論上則幹元化以調四時下
則斲至仁以澤萬類近則羣元仰首以承德遠則殊俗

交臂以待命蓋與宰相之職業均

樞府

二府後唐莊宗始用郭崇韜分中書兵房置樞密院與宰相分秉朝政自此始用士人凡文書出中書武事出樞密謂之二府

宣麻自周太祖始續翰林志舊例樞密使未帶使相者不宣麻至周太祖初潛歷試是任乃宣制於公朝今之宣麻自周太祖始

契丹使謂得人國朝王德用武臣也仁宗朝再入樞府為使是時富弼偕契丹使來德用佯射使者曰天子以公典樞密而用富公為相可謂得人

神兵會府續會要除文彥博制云天極環樞神兵會府

又賜張耆詔云北極之躔覽于神務二枋之府倚以老成

儒臣兼使相會要大中祥符間以王欽若陳堯叟檢校太傅同中書門下平章事充樞密儒臣充樞密使兼使相自王欽若等始

有府王禹偁制宥密之府總樞機於萬微
西樞熙寧三年詔曰國家以西樞內輔翊贊本兵任為重矣

戰守與中書同議熙寧初滕達道言中書密院議邊事多不合趙明與西人戰中書賞功而密院降約束廊達修堡柵密院方詰之而中書已下褒詔夫中書欲戰而密院欲守何以令天下願敕大臣凡戰守議同而後下

神宗善之

八年三郡駕不輪更忝鴻樞對國均老去思舟多忘
事少來之武不如人車中顧馬空能數海上逢鷗想見
親唯有弟兄歸隱志共將耕鑿報堯仁宋庠除樞密
相寄于京

錦繡萬花谷別集卷之六

錦繡萬花谷別集卷之七

給事

掌顧問 通典給事中加官也秦置漢因之所加或大夫
博士議郎掌顧問應對位次中常侍侍郎

直氣謹言 呂元膺有直氣謹言拜為給事中

八年方遷 漢書蕭望之輔朕八年方遷關內侯給事中

黃門要地 唐德宗以王緯為給事中稱黃門要地

青瑣郎 杜詩飄飄青瑣郎文采珊瑚鉤

左省 杜牧之行崔瑑制云左省駁議不畏強禦

中書舍人

卿有古人風 南齊傳昭為中書通事舍人時居此職者
皆權傾天下獨昭廉謹無所干預器服率陋明帝聞之

賜柴合燭盤救曰卿有古人之風故賜以古人之物

世號三才唐魏公兼中書舍人與溫子升邢子才齊譽世號三才

宰相器後周范質加中書舍人每朝廷遣使齎詔處分軍國事皆合機宜周祖問誰為此辭使者以質對周祖嘆曰宰相器也

兩宮文翰徐浩肅宗時拜中書舍人時天下事殷詔令多出於浩浩屬詞瞻給尤工楷隸肅宗悅其能加兼中書右丞玄宗傳位誥冊皆浩為之參掌兩宮文翰寵遇罕比

紅藥翻香選謝玄暉直中書省詩紫殿蕭陰陰彤庭赫弘敞風動萬年枝日華承露掌玲瓏結綺綫深沉映朱

網紅藥當堦翻蒼苔依砌上茲言翔鳳池鳴佩多清響又職畧內直詩云紫泥初熟詔書成紅藥翻堦書影清屋瓦生煙宮漏永時聞幽鳥自呼名

年久者為書舍人唐楊綰為中書舍人故事舍人年久者為閣老其公解雜料獨取五之四至綰悉均給之

世號書命唐張嘉正武后時進中書舍人崔湜輕之後與議事出其上湜驚曰此終其坐後十年而為中書令子延賞延賞子弘靖三世掌書命

失却張君房湘山野錄云祥符中命詞臣撰日本國祥光記當直者學不優常以張君房代之既傳宣甚急張醉飲樊樓紫薇大窻後錢楊二公作閑忙令大年曰世上何日最號閑司諫拂衣歸華山謂种放也希曰世上

何人最號忙紫薇失却張君房

清切丹禁近浩蕩文河注上館儀酬誰謂相去遠隔

此西掖垣繼贈今年寒食夜西上鳳池頭誠知視草

貴未免對花愁連白中書躍鱗龍鳳池揮翰紫宸裏

請郎彩筆閑批五色詔好風時動葱年枝翾綠松牕對

鳳池開履迹衣香遍上台天意皆從蘇毫出宸心盡向

紫烟來非時玉案呈宣旨每日金階謝賜回誑建太微

西掖鳳池邊西閣凌空為起烟彩筆時批尺一詔直廬

深在九重天職畧簡同舍詩

左右史起居舍人同

咨質所宜文宗時周墀兼舍人帝御紫宸或召左右史

咨質所宜最為天子欽矚

執簡記錄唐會要蘇氏記曰貞觀中每日仗退上與宰

臣參議政事即令起居郎一人執簡記錄

一時清選白居易蕭俛起居舍人制云記事之官一時

清選

操筆赤墀下鄭覃日記注操筆赤墀下其書為後世法

不可用黨人職林

置筆札於玉階開成末韋絢自左補缺為起居舍人時

楊嗣復已除起居舍人楊嗣復於殿下先奏曰左補缺

韋絢新除起居舍人未中謝奏取進旨帝頷之李珣招

而引之絢即置筆札於玉階欄檻之石疾趨而置詞拜

舞焉

獻納司存雨露邊地分清切任才賢舍人退食收封

事宮女開函近御筵杜工部贈起居

翰苑

清華之地 職官分紀云國朝淳化二年翰林學士承旨蘇易簡獻續翰林志二卷詔頒於史館仍賜御詩二章以寵之批云賜詩之意因卿進續翰林志羨卿居清華之地也

北門學士 劉禕之傳禕之少以文辭稱遷右弘文館直學士上元中與元萬頃等召入禁中論次新書高宗又密與參決政事以分宰相權時稱北門學士

北扉 沈括筆談學士院北扉者為其在浴堂之南便於應召

三俊 李紳傳與李德裕元稹並為翰林學士與同時號

三俊

翰林六絕 唐李邕號翰林六絕謂文學書翰等六事過人

謂朕嬖近臣 國朝王曾為翰林學士直日真宗首召之燕衣坐便殿謂曰渴欲見卿因不及朝服亡謂朕嬖近臣

與朕致太平 王堂集王旦為翰林學士中外以為有宰相器常奏事下殿真宗目送之曰與朕致太平必斯人也咸平中拜參政

奏藁八十卷 國朝晏殊為翰林學士凡有奏藁外人皆不知之真宗類之得八十卷

德重者為承旨 通典翰林院例設學士六人內年深德

重者一人為承旨所以獨承密命也德宗好文尤難其
選正元以後為學士承旨者多至宰相焉

清淨玉堂中 太宗賜蘇易簡詩云翰林承旨貴清淨玉
堂中

將相大儲 東坡謝表非徒翰墨之選乃是將相之儲

摘葉草制詞 瑣言云李琪每臨流坐石摘木葉試草
制詞朱梁時果為翰林學士

白麻皆在北院 唐故事中書用黃白二麻為綸命重輕
之辯其後翰林學士專掌內命選用益重中書所出獨
得用黃麻其白麻皆在北院自非國之重事拜授將相
德音赦宥不得由於斯

夢掌中抽草 偽蜀辛夤夢掌中抽草占者曰君必遷

翰林學士未幾果召為學士

賜金荔枝帶 杜贈翰林張學士詩內分金帶赤恩與荔
枝青註云翰林拜命日賜金荔枝帶

詩 衣惹御香拖瑞錦筆宣皇澤灑春霖晴青綸輝映輕
前古丹地深嚴隔世塵慣黃學士金鑾殿後居天中行
坐侍龍輿承恩不許離麻謝密旨長教倚案書相譏上

御史

高衣郎 南史王僧虔為御史中丞甲族由來多不居憲
臺僧虔為此官乃曰此是烏衣郎坐處

號老虎 晉崔鴻為中丞明法直繩無所阿避號為老虎
有伯夷史魚之風 前朱雲傳御史大夫貢禹潔白廉正

經術通明有伯夷史魚之風外內莫不聞知

朝士畏其筆端南史劉瑀為人恃性使氣為御史中丞彈蕭惠開云非才非望非勲非德彈王僧遠云蔭藉高華人品冗末朝士莫不畏其筆端

此兒乃敢彈我晉宗室敬王司馬恬字元愉為御史中丞值海西公廢太宗即位未解嚴太司馬桓温屯中堂夜吹警角恬奏劾温大不敬請科罪明日温見奏事嘆曰此兒乃敢彈我真可畏也

執青儀囊梁中丞給威儀十人其八人武冠絳幘執青儀囊在前

李生猶及李彪遷御史中尉遠近畏之豪右屏跡高祖常呼為李生又從容謂群臣曰吾之有李生猶漢之有汲黯

晉劉暉字長升轉侍御史武庫失火尚書郭彰率百人自衛而不救火暉正色詰之彰怒曰我能截君角也暉勃然曰君何敢恃寵作威福天子法冠而欲截角乎求紙筆奏之彰伏不敢言衆人解釋乃止暉劉毅子也

鐵肝御史四朝國史劉述傳劉顛為御史言事貶蘇軾遺以詩有烏府先生鐵作肝之句世因目為鐵肝御史

鐵衣北齊司馬子瑞為中丞選御史云周興鐵柱漢制繡衣簪白筆以繩違馭驄馬而明目故能出則督察萬里入則糾劾百僚揚確而言惟賢是寄必須名高河朔價重漢南諤諤清風翩翩妙技心焉匪石直也如絃有兼此者實所饑渴

紫髯公盧澂送崔侍御云烏臺正客紫髯公

全樹借汝 李大亮劉洎薦李義府召見試令詠棲鳥立
成詩曰日裏颺朝彩琴中伴夜啼上林多少樹不借一
枝棲太宗深賞之曰我將全樹借汝豈惟一枝拜監察
御史

詠竹寄意 唐呂太一拜監察御史裏行自負才華而不
即真因詠院中竹以寄意焉曰擢擢堂軒竹青青耐歲
寒心貞徒見賞籜小未成竿

杜襲 唐職林每出入行步侍御史在柱裏殿察兩
院在柱外

禁御史食肉 唐馬周每行郡縣食必進雞小吏訟之帝
曰我禁御史食肉恐州縣廣費雞尚何為榜吏斥之
漢張綱為御史漢安元年選遣八使循行風俗餘

人受命之部而綱獨埋其車輪於洛陽亭曰豺狼當道
安問狐狸遂奏大將軍與條其有無君之心十五事京
師震悚

白簡光朝列彤駟出禁中 儲故人名宦高簡肅權
豪 盛府提青橐殊章動繡衣風運臺明起霜就
簡花飛凜凜當朝色行行滿路威○薄遊忝霜署直指
戒冰心 粒蘚曉趨天闕烏紗薄內直空臺古栢寒鷗際
曉乘馳入九衢內朝簪筆坐前墀天家御史非凡格曾
向崑崙服紫芝○寶侍御驥之子鳳之雛年未三十忠
義俱骨鯁絕代無烟如一段清冰出萬壑置在迎風寒
露之玉壺 並杜甫

諫官

真諫官 唐李景伯為諫議大夫中宗嘗宴侍臣及朝集使酒酣令各為回紋詞衆皆諂言至景伯曰回波爾時酒卮微臣職在箴規侍宴既過三爵誼譁切恐非儀中宗不悅中書令蕭至忠稱之曰真諫官也

有諫三體 唐孔戣元和初改諫議大夫侃然忠謹有諫臣體上疏論時政四條帝意嘉納

為私計則狂 蘇世長為諫議大夫從幸涇陽校獵大獲禽獸高祖謂朝臣曰今日樂乎世長進曰陛下遊獵薄廢萬機不滿十旬未為大樂高祖色變既而笑曰狂態發邪世長曰為臣私計則狂為陛下國計則為忠矣

置笏於地 隋劉行本為諫議大夫文帝嘗怒一郎於殿

前答之行本進曰此人素清其過又小上不願行本正當上前曰陛下不以臣不肖令臣在左右臣言若是陛下安得不聽臣言若非當置之於理安得輕臣而不顧所言非私因置笏於地而退上歛容謝之遂原所答者

喜諫議得君 後魏張普惠為諫議大夫任城王澄謂普惠曰不喜君得諫議惟喜諫議得君

積笏揚 唐職林崔儼為諫議大夫其羣從數人自熙寧里謁大明宮冠蓋駟哄相望每歲時宴于家以一榻置笏猶重積其上

豈避一時雷電 唐韋溫傳時宋申錫被誣溫昌言曰吾輩諫官豈避一時之雷電而致聖君賢相蒙蔽惡之名耶因率同列伏闕切爭之

今子朕之直臣鄭餘慶子澣為右補闕獻疏切直及餘

慶朝憲宗曰卿之令子朕之直臣可更相賀

額叩龍墀劉栖楚為拾遺敬宗即位改遊稍多坐朝常

晚栖楚出班以額叩龍墀苦諫

諫官非不達詩義早知名破的由來事先鋒孰敢爭

毫髮無遺恨波濤獨老成韞御筆新除三諫官喧然朝

野競相歡當時流落丹心在自昔忠良得路難必有謀

謨裨帝右直須風采動朝端世間萬事皆塵土留取功

名久遠看君諶賀王翬有才繼騷雅哲匠不比肩杜陳

故駟馬歸城闕雙鳧去海門還從清切禁再沐聖明恩

禮樂朝中貴文章大雅存江湖多旅逸獻贊欲誰論韓

之聯步趨丹陛分曹限紫微曉隨天仗去暮惹御香歸

參 白髮悲花落青雲羨鳥飛聖朝無闕事自覺諫書稀岑

錦繡萬花谷別集卷之七

錦繡萬花谷別集卷之八

尚書

簪筆待顧問袁子正書曰尚書佩契刀囊執板加簪筆焉又周捨問劉杳尚書官著紫荷相傳云挈囊竟何所出答云張安世傳云囊簪筆事武帝數十年注云囊橐也近臣簪筆以待顧問

號武庫王隱晉書杜預為尚書損益萬機不可勝數朝野伏焉號曰杜武庫言其無所不有

喜朝廷得人梁明少遊知名之士位都官尚書簡文帝謂人曰我不喜明少遊作尚書喜朝廷得人

前行中行後行通典開元令尚書六曹吏部兵部為前行戶刑為中行禮工為後行

白衣尚書後漢鄭均建初中遷尚書數納忠言後以病
言歸帝東巡過任城乃幸均舍賜尚書祿以終其身時
號白衣尚書

寶劔署名後漢韓稜五遷為尚書令與僕射鄧壽尚書
陳寵同時俱以才能稱肅宗賜諸尚書劔唯此三人特
以寶劔自手署其名曰韓稜楚龍淵鄧壽蜀漢文陳寵
濟南椎成論者以稜淵深有謀故得龍淵壽明達有文
章故得漢文寵敦朴善不見外故得椎成椎直追

清平尚書之言鍾離意為尚書明帝賜以珠璣意悉以
委地而不拜帝怪而問其故對曰此穢穢之寶誠不敢
拜帝笑曰清平尚書之言意乃交疏太守坐賊

黑頭白頭南史宋袁昂梁武帝時遷吏部尚書帝曰齊

明帝用卿為黑頭尚書我用卿為白頭尚書

王戎慕伯玉晉王戎遷尚書左僕射領吏部以晉室方
亂慕遽伯玉之為人與時舒卷無蹇諤之節自經典選
未嘗進寒素退虛名但與時浮沉戶調門選而已

徐陵比毛玠徐陵為吏部尚書以梁朝選授多失於是
提綱舉維綜擢名實眾咸服焉時論比之毛玠

薦四十人皆知名唐杜淹傳以檢校吏部尚書所薦四
十人皆知名

如貧士市瓜北後魏楊愔拜吏部尚書典選二十餘年
取士多以才貌時致謗言以為愔之用人如貧士市瓜
取其大者惜聞不以為意

竹篷為屏風吳隱之為度支尚書以竹篷為屏風坐無

擅席後遷中領軍清儉不改

襪線無長 偽蜀禮部尚書韓昭多能而皆不精朝士李台嘏曰韓八座事業如折襪線無一條長

五兵尚書 通典魏始置五兵尚書謂中兵外兵騎兵別兵都兵也

戎裝夾道 唐李輔國為兵部尚書南省視事使武士戎裝夾道

飲酒一斗不亂 唐李適之拜刑部尚書雅好賓客飲酒一斗不亂夜則宴賞晝決公務庭無留事

侍郎

李義不可過 唐李義改黃門侍郎制敕不便輒駁王貴幸有求官者睿宗曰朕非有靳顧李義不可過耳

給食自頰始 唐蘇頲傳帝問宰相有工部侍郎得中書

侍郎者乎對曰陛下任賢惟所命何資之計乃詔以頲為中書侍郎帝勞曰方美官缺每欲用卿然宰相議遂無及者朕為卿恨陸象先歿紫微侍郎未嘗補朕思其人無易卿者頲頓首謝明日加知詞詔給政事食給食自頲始

換鏡之職 唐大詔令韋貫之吏部侍郎制用解樞機之務俾君衡鏡之職

李下無蹊徑 唐李義字尚真進吏部侍郎仍知制誥與宋璟同典選事請謁不行時人語曰李下無蹊徑

勅事數十年 通鑑魏中書侍郎高允好直諫帝謂羣臣曰汝等雖執弓刀在朕左右未嘗有一言規正皆無功

而至王公允執筆佐我國家數十年為益不少不過為
郎汝等不自愧乎乃拜中書令

貴幸不敢恩以私 韋弘景累遷吏部侍郎銓綜平叙貴
幸憚其嚴不敢恩以私

戶部二妙 韋維遷戶部侍郎善裁剖時負外宋之間善
詩稱戶部二妙

三典貢舉 賈竦歷禮部侍郎凡三典貢舉得士七十三
人多名卿宰相

留取破麻鞋 南部新書常袞自禮部侍郎入相時潘炎
為舍人引麻因戲之曰留取破麻鞋着及袞視事不浹
高果拜

滿城桃李 李屬春南劉禹錫寄王侍郎放榜詩禮闈新榜

動長安九陌人人走馬看一日聲名徧天下滿城桃李
屬春官

別成一家法書 劉瑒轉刑部侍郎瑒精於法律選大中
已前二百四十四年制勅可行用者二千八百六十五
條分為六百四十六門議其輕重別成一家法書號大
中統類奏行用之

河朔英靈 隋李德林美容儀善談吐齊天統中兼中書
侍郎於賓館受國書陳使江摠目送之曰此即河朔之
英靈也

詩 紅旗照海壓南荒徵入中臺作侍郎暫從相公平小
寇便歸天闕致時康韓愈南宮吾故人白馬金盤陀雄筆
映千古見賢心靡他杜寄吏部昔年內署振雄辭今日

東都結去思宮女猶傳洞簫賦國人先錄袞衣詩華星却復文昌位別鶴重歸太一池想到金門侍稱籍一時驚喜見風儀

劉禹錫送李戶部

侍讀侍講

更日侍讀通鑑唐開元三年上謂宰相曰朕每讀書有所疑滯無從質問可選儒學之士使入內侍讀九月戊寅以馬懷素為左散騎常侍與右散騎常侍褚無量更日侍讀

大液亭分講韋處厚路隋為侍讀穆宗召入太液亭命分講毛詩關雎尚書洪範等篇訪以理體處厚等演經義以廣規諷之道

侍講居侍讀之下國朝會要熙寧元年龔鼎臣蘇頌劉

頌等議不堂座講疏朝廷班制以侍講居侍讀之下

南宮雲臺後漢賈逵與班固並校書肅宗好古文尚書左氏傳入講北宮白虎觀南宮雲臺帝善逵說

殿中無雙肅宗詔丁鴻與廣平王及諸儒論定五經同異於北宮白虎觀帝親稱制臨決鴻以才高論難最明諸儒稱之帝數嗟美時人嘆曰殿中無雙丁孝公

經術能世其家熙寧四年以王雱為崇政殿說書雱宰相安石之子聞其經術能世其家故召對而擢用

孔師金友漢金敞傳帝年幼選置師友大司徒孔光以明經高行為孔氏師京兆尹金欽以家世忠孝為金氏友

卿廷尉附

龜紐犀印漢官儀曰卿秩中二千石孝武令通官印方寸大皆龜紐又司馬彪漢書曰二千石以下至四百石佩兩印皆以黑犀

客卿史樂毅出奔趙往來復通於燕趙以為客卿

起望省樓崔日知恨不居八座及為太常卿起望省樓

捉筆賦詩楊師道字景猷太宗時為卿賜宴帝曰聞公

每酣捉筆賦詩如宿構試為朕為之師道再拜少選輒成一坐嗟伏

見母分紀北齊深拜卿不脫朝服見母跪陳

幼小孤露蒙訓至此

庭設九部樂封敖為太常卿故事太常始視事庭設九

部樂

清選白集陳中師太常少卿制立國之大禮樂為先今

之太常實兼其職貳茲職者不亦重乎歷代迄今謂之

清選

禮樂卿杜牧送崔少常出鎮夏州詩帝命詩書將壇登

禮樂卿

臺省侍從出此途曲阜范育太常少卿制曰太常貳卿

尤為高選臺省侍從多出此途

冰清玉潔晉中興書曰賀循拜太常中宗踐祚下令曰

循冰清玉潔行為俗表位處上卿而居身服物蓋身而

已屋纔庇風雨孤常造其廬賜其六尺牀褥并錢二十

萬以表其德

大小鴻臚魏畧韓宣為大鴻臚始南陽曲阜韓暨以宿

德在官前為大鴻臚及宜在官亦稱職故鴻臚中為之
語曰大鴻臚小鴻臚前後治行曷相如
稱為名卿東觀漢記牟融字子優為大司農性明達稱
為名卿

非儒學不在茲選元集行裴武制農天下之本也國有
九列而司農氏居其一焉前代非牟融之循理康成之
儒學不在茲選

外府白集除裴武制云聚九州之職辨百貨之名
按其度程謹其出納孰為主者外府上卿務殷秩崇不
易其選

臣節尚少後魏孫紹為少卿帝問卿何年老對曰臣年
雖老臣節尚少

是行若登瀛唐倪若水傳班景倩自揚州採訪使入為
大理少卿過州若水餞于郊顧左右曰班公是行若登
僊吾恨不得為騶僕

詩王府標孤映霜蹄去不疑北宸徵事業南紀赴恩私
卿月昇金掌王春度玉墀送馬大氣得神仙迴恩承
雨露低軒冕羅天闕琳琅識介珪通籍踰青瑣亨衢照
紫泥弼諧方一展班序更何躋杜甫贈太常卿

錦繡萬花谷別集卷之八

錦繡萬花谷別集卷之九

秘書省

願一見秘書唐李邕見特進李嶠自言讀書未徧願一見秘書假直秘書未幾辭去嶠謔試問與篇隱帙了辨如響

掌四部圖籍六典秘書郎掌四部之圖籍分庫以藏之以甲乙丙丁為之部目甲部為經其類十有一乙部為史其類一十有三丙部為子其類一十有四丁部為集其類有三

太一之精拾遺記曰劉向校書天祿閣夜有老人着黃衣植藜杖杖端出火用以照向向問姓名答曰我是太一之精天帝聞金卯之姓有博學者下而觀焉

此處為書中正文，因字跡模糊，內容難以辨識。可見其為一頁完整的文字，但在此處因清晰度不足而無法轉錄。

瑞石兩京新記曰西京秘書省聽事前有隕星石隋自咸陽移署於此少監王劭作瑞石頌以贊美之

成門戶許敬宗正觀中除著作郎兼修國史喜謂所親曰上言不為著作無以成門戶

綠編方委閣素簡日盈輕紉憶昔李公存詞林有根抵聲華當健筆灑落富清製○飛騰知有策意度不無神韜杜渥法騏驎兒尤異是龍脊李舟名父子清峻流輩伯人間好妙年不必須白哲十五富文史十八足賓客十九授校書二十聲輝赫杜詩李漬墨竄舊史磨丹注前經義苑手秘寶文堂耳驚霆韓束帶臨風氣調新孔門才業獨誰倫杉松韻冷雪溪暗鸞鶴勢高天路春美玉韞來休問價芳枝攀去正無塵莫將雲閣輕科第

須作人間第一人趙陔贈李秘書

郎官

杜元日示宗武詩名慙白首郎註云顏駟漢文帝時為郎至武帝輦過郎署見駟厖眉皓髮問曰叟何時為郎何其老也答曰臣文帝時為郎文帝好文而臣好武景帝好美臣貌陋陛下好壯臣已老矣是以三朝不遇故老於郎署帝感其言擢拜會稽都尉

京兆田郎三輔決錄曰田鳳字季宗為尚書郎容儀端正入奏事靈帝目送之因題柱曰堂堂乎張京兆田郎哥奴豈郎中材李林甫源乾曜執法乾曜子絜為林甫求司門郎中乾曜素薄之曰郎官應得才望哥奴豈郎中材邪哥奴林甫小字也

有風稜 五代史劉鼎清泰中為吏部郎中兼侍御史知
雜事鼎性若寬易而典選曹按吏有風稜

覓一佳吏部 褚亮每屬桓彝覓一佳吏部彝曰與縣宰

徐寧海岱清士即遷吏部郎

南曹 唐六典吏部員外郎掌選院謂之南曹注曰其曹

在選曹之南故謂之南曹

少年新官 白樂天送霍考功詩稱意新官又少年秋清

身健好涼天

十才子 唐盧綸為戶部郎中有詩名於正元中與李端

司空曙之徒名為十才子形於圖畫以美其名

孔獨誦 梁武帝問吏部尚書徐勉求一有學藝解朝儀

者為尚書儀郎勉曰孔休源識見清通詳練故事武帝

亦素聞之即日除尚書儀郎時多所改作每建議訪
問前事休源即以所誦記隨機斷決曾無疑滯吏部任

昉常謂之孔獨誦

冰廳 因話錄云祠部呼為冰廳言其清且冷也冰去聲

南宮老駕 白居易贈駕部吳郎中詩曰幽懷靜境何人

別唯有南宮老駕兒

繭栗擯 後漢趙熹少有節操更始即位舞陰大姓李氏

擁城不下云聞宛之趙氏有孤孫熹信義著名願得降

之更始乃徵熹熹年未二十既引見更始笑曰繭栗擯

豈能負重致遠乎即除郎中使詣舞陰李氏遂降更始

悅謂熹曰卿名家駒努力勉之

詩 千里歸程三月天官新身健馬翩翩行衝赤日加餐

飯上到青雲穩着鞭駟居蘊藉為郎又魁梧秉哲尊詞
華傾後輩風雅藹孤騫○今日西京掾多除南省郎○
清秋便寓直列宿頓輝光○天路牽騏驥雲臺引棟梁
並杜

東宮

儲端分紀沈約齊安陸碑曰儲端任顯東西兩晉茲選
特難注云儲端謂太子詹事

八舍之職環齊晏畧云庶子謂八舍之職

自比倡優隋太子勇宴宮臣左庶子唐令則自請奏琵琶
又歌武媚娘之曲太子洗馬李綱白勇曰令則身任
宮卿職當調護乃於宴坐自比倡優請正其罪

飲酒人之常情仁宗在東宮魯宗道為諭德真宗急召

將有所問使者及門移時乃自肆中飲歸中使曰上若
怪公來遲當託事以對宗道曰飲酒人之常情欺君臣
子之大罪也真宗問以實對真宗笑曰卿為宮臣恐為
御史所彈然自此奇公以為忠實可大用

龍樓箴歸登有文學為東宮侍讀獻龍樓箴

夜隨銀屏許敬宗除太子太師制晨謁金墀事切於忠
寒夜隨銀屏義先於調護

太子執弟子禮晉東宮舊事皇太子於二傅執弟子禮
二傅入見太子詣崇賢門迎

南土秀望記室新書晉中興書吳王入洛唯陸機陸雲
顧榮而已以南土秀望遷太子舍人

非作殿下弄臣隋劉行本傳隋文踐祚拜太子左庶子

太子嘗得良馬欲令行本乘行本曰至尊置臣於庶子欲輔導殿下以正道非為殿下作弄臣

詩託身承華側矯迹入崇賢朱黻盡髦士長纓皆俊人

選贈陸
機

學官

清正自守唐元載以魚朝恩嘗領國子監事濫污太學

宜得名儒以清其秩乃奏縮為國子祭酒實欲以散地

處之楊綰清正自守雅望素高元載忌之

讀書不如寫書張參為國子司業年老嘗寫六經以為

讀書不如寫書

得師之道韓愈為國子司業竇公墓銘云公誨於國學

也嚴以有禮扶善遏惡明上下之分以躬先之恂恂豈

第得師之道

國子監不寂寞李翱作韓昌黎行狀公遷祭酒奏儒生

為學官日使會講生徒多奔走聽聞皆喜曰韓公為祭

酒國子監不寂寞矣

列祭酒堂退之聽琴序云司業武公少儀總太學儒

官三十有六人列燕于祭酒之堂

相才劉禹錫送國子博士令狐赴興元覲省云相

門才子高陽族學省清資五品官諫院過時榮棣萼謝

庭歸去踏芝蘭

廣文博士自君始唐鄭虔傳元宗愛其才欲置左右以

不事事更為置廣文館以虔為博士虔聞命不知廣文

曹司何在訐宰相宰相曰上增置國學館以居賢者令

後世言廣文博士自君始不亦美乎處乃就職

九經庫 谷那律傳止觀中遷國子博士淹識羣書褚遂

良稱為九經庫

鄒魯大儒 韋賢號稱鄒魯大儒召為博士

道之淵藪 魏志文帝即位博士高采上書曰博士道之

淵藪

諸生著龜 皮日休移成均博士書云足下出文闈為諸

生之著龜作後來之綿絕得不思居其位者不愧其道

處于職者不墮其業乎否則市大易負乘之譏招詩人

伐檀之刺矣

詩 儒庠恣游息聖籍飽商榷韓銀河光燦少微星天下

文章獨擅名漢殿已呼新博士閩州難駐舊先生九重

梁棟千年固六鑿源流一旦清好是六龍銜雨去傳巖

秋月夜空明陳元用上老廣文到官舍繫馬堂階下醉則

騎馬歸頗遭官長罵才名三十年坐客寒無種賴有蘇

司業時時與酒錢杜甫

奉使

一介行李 左哀八年子員曰君有楚命亦不使一介行

李告于寡君注云一介獨使也行李行人也

留匈奴十九年 蘇武傳天漢元年遣武以中郎使持節

送匈奴使留在漢者武至匈奴單于益驕幽武置大窖

中絕不飲食天雨雪武卧齧雪與旃毛并咽之數日不

死匈奴以為神乃徙武北海無人處使牧羝武既至

海上掘野鼠草實而食之杖漢節牧羊卧起操持節旄

盡落武帝崩昭帝即位數年匈奴與漢和親漢求武等
李陵賀曰今足下還歸揚名於匈奴功顯於漢室雖古
竹帛所載何以過子卿武以始元六年春至京師拜為
典屬國武留匈奴凡十九年始以強壯及還鬚髮盡白
威振西域馮奉世傳漢選可使外國者韓增舉奉世以
衛侯使持節送大宛諸國客都尉宋將言莎車與旁國
殺漢使者奉世因發兵進擊莎車攻拔其城莎車王自
殺諸國悉平威振西域

至北庭不拜後鄭衆傳時匈奴遣使和親顯宗遣衆持
節使匈奴至北庭虜欲令拜衆不為屈單于怒圍守閉
之衆拔刀自誓單于恐而止後帝見匈奴來者問衆與
單于爭禮之狀皆言匈奴中傳衆意氣壯勇雖蘇武不

過乃召為軍司馬

持節斬樓蘭傅介子請往刺龜茲樓蘭王以威諸國於
是遣介子至樓蘭刺殺之詔曰傅介子持使節誅斬樓
蘭王首垂之北闕不煩師旅

縣令負弩漢司馬相如建節往使蜀太守以下郊迎縣
令負弩先驅

南朝少年狀元四朝國史王拱辰字君貺至和三年以
三司使聘契丹見其主於混同江設宴垂釣每得魚必
酌酒飲客親鼓琵琶以侑謂其相曰此南朝少年狀元
入翰林十五年矣吾厚待之又許將字冲元奉使契丹
涉北境居人騎屋棟北人曰聚觀南朝狀元

埋金寨下唐杜暹使虜以金遺暹暹因辭左右曰公使

絕域不可失戎心乃受焉陰埋幕下已出境乃移文俾取之突厥大驚

口傳天語 說苑劉禹錫送源中丞充新羅册立使詩身帶霜威辭鳳闕口傳天語到雞林

詩 送遠秋風落西征海氣寒帝京氛祲滿人世別離難絕域遙懷怒和親願結歡勅書憐贊普兵甲望長安宣命前程急惟良待子寬子雲清自守今日起為官垂淚方投筆傷時即據鞍儒衣山鳥怪漢節野童看邊酒排金盞夷歌捧玉盤草肥蕃馬健雪重拂廬乾慎爾參籌畫從茲正羽翰歸來權可取九萬一朝搏杜送楊判官使西蕃拂廬蕃帳雲海相望寄此身那因遠適更沾巾不辭駟騎凌風雪要使天驕識鳳麟沙漠回看清禁月湖山應夢武

林春單于若問君家世莫道中朝第一人王鞏送子士由使契丹曠人稀使驛賒山中殊不類中華白沙有露鴛鴦泊芳草無情妯娌花氍館夜燈眠漢節石梁秋吹動胡笳歸來攬照看顏色陟覺霜毛兩鬢加陳古靈

郡國使者

直指使者 漢雋不疑傳武帝末郡國盜賊羣起暴勝之為直指使者繡衣持斧逐捕盜賊督諫郡國東至海以軍興誅不從命者威振州郡又江充傳使匈奴還拜為直指繡衣使者督三輔盜賊貴戚近臣多奢僭充皆劾奏

後漢范滂 少勵清節時冀州盜起以滂為清詔使按察之滂登車攬轡慨然有澄清天下之志滂字孟博

豺狼當道漢詔遣八使循行風俗皆耆儒知名多歷顯位唯張綱年少官次最微餘人受命之部而綱獨埋其車輪於洛陽都亭曰豺狼當道安問狐狸遂奏梁冀等條其無君十五事京師震恐

花鳥使唐呂向元宗開元中召入翰林時帝歲遣使采擇天下姝好內之後宮號花鳥使向因奏美人賦以諷帝善之

動搖山嶽唐韋思謙擢監察御史嘗曰御史出使不能動搖山嶽震懼州縣為不任職

南紀西江濶皇華御史雄截流寧假檝掛席自生風
然和李待制曾立玉墀聯近侍新持金節領諸侯屠龍
渡松滋江

伎倆終須用探虎功名未肯休去矣范滂聊緩轡太行雲路戒摧輶孔常甫送天覺使河東

雲起妖艷轉下常甫致天覺外西東
文兩絲更用對世各未計村去矣張張張張學學太計

錦繡萬花谷別集卷之十

都督

夢生八翼晉陶侃夢生八翼飛而上天見天門九重已
登其八唯一門不得入闔者以杖擊之因墜地拆其左
翼及寤左腋猶痛後都督八州諸軍事

落鵬北齊斛律光傳神武授都督嘗從文襄校獵雲表
見一大鳥射之中頸形如車輪旋轉而下乃鵬也丞相
嘆曰此射鵬手也號落鵬都督

詩天官動將星漢地柳條青萬里鳴刀斗三軍出井陘
忘身辭鳳闕報國取龍庭豈學書生輩窓中老一經王
送趙都督赴代州中軍待上客令肅事有恒前驅入寶地祖帳
飄金繩杜甫陪章留後餞

安撫

文武兼備唐職林裴行儉字守約儀鳳二年詔行儉為安撫大食使浮至京師將吏為刻石碎葉城紀功帝勞曰行儉提孤軍深入萬里兵不血刃叛黨擒夷可謂文武兼備矣

猶待衣衣還丁未錄韓琦判相州制無安帥節之樂猶待衣衣之還

來帥能罷韓文河中府連理木頌云來帥能罷四方作儀

體量官吏能否范雍充陝西緣邊州軍體量安撫使詔所至察訪邊民利害及體量官吏能否出會要

詩疑旒西顧蜀川民白玉堂前命侍臣捧詔暫辭三萬

歡太守喜曰人皆有一天我獨有二天章曰今夕蘇孺文與故人飲者私恩也明日冀州刺史案事者公法也遂舉正其罪州境知章無私望風畏肅

真刺史賈逵豫州刺史舉奏二千石以下阿縱不法者帝曰逵真刺史也布告天下以豫州為法

馳九折坂漢王尊遷益州刺史先是王陽為益州刺史行部至邛邛九折坂嘆曰奉先人之遺體柰何數乘此險後以病去及尊為刺史至其坂問吏曰此非王陽所畏道邪吏曰是尊叱其馭曰驅之王陽為孝子王尊為忠臣邛音來

外臺之表後謝夷吾荊州刺史第五倫薦之曰尋功簡能為外臺之表聽聲察實為九伯之冠

賜三公之服後郭賀字喬卿荊州刺史有殊政百姓歌曰厥德仁明郭喬卿中正朝廷上下平顯宗賜以三公之服黼黻冕旒勅行部去檐帷使百姓見其容貌以彰有德

詩玉節居分陝金貂總上流麾軍時舉扇作賦且登樓年光徧原隰春色滿皇州日華三翼舸風轉七星旂向解青絲纜將移丹桂舟

梁元帝別荊州吏民

漕使

積七百萬石唐裴耀卿充轉運使於是置河陰集津三門倉引天下租繇盟津沂河而西三年積七百萬石省運費三十萬緡或說耀卿請所省脚錢以明功利耀卿曰此蓋公家盈縮之利爾不可以求寵乃奏克所司和

糴等錢明年遷侍中

飛芻輓粟通鑑秦攻匈奴使天下飛芻輓粟

福星四朝國史哲宗立念東國困於役竄吳居厚復以鮮于侁為京東轉運使司馬光曰以侁之賢不宜使居外顧齊魯之區彫敝已甚須侁為福星救之耳安得如侁百輩布列天下乎士民聞其重臨如見慈父母

在提刑之上祥符七年詔曰自今轉運副使不限官品並在提點刑獄之上

詩威權自與轉輸同僕從衙亭事事雄十郡山河關職務一門忠孝是家風圖書半是仙舟裏石版多留禹廟中閑想春堤遊賞處桃花浪照舞筵紅

魏野贈漕二十

登庸冠列仙當時便合掌王言因為甘露黔首未放

祥雲入紫垣王禹偁獻轉西風持漢節騎從嚴弓刀維

閩士聚落惇獨困吏饕土敝禾黍惡水煩鱗介勞南驅

將仁氣百城共一陶赴黃魯直送劉士彥小隊出行春旌

旗帶野雲草成平寇檄翻作勸農文幕府多奇士詩書

策異勲請將邊上事一一奏明君戴石屏真州上

憲使

平反獄訟高賦言國家置提刑司蓋欲平反獄訟使民不倦

憲寄胡宿集江西提刑施元長獎諭早稱才名出提憲寄

朝臣使臣職官分紀真宗謂王旦曰朕慮四方刑獄官吏未盡得人一夫受冤即召災沴先帝常選朝臣為諸

路提點刑獄今可復置仍以使臣副之於是置諸路提

點刑獄公事以朝臣克始命屯田李拱為之副以武臣

閣門祇候以上克

差舊御史熙寧十年以館閣校勘丁執禮權發遣河北

西路提點刑獄上宣諭曰朕惟河朔地重謹選監司故

差舊御史為之

詩持節復持節因循霜髮侵盛衰關大數豪傑負初心

宇宙虛長筭江湖寄短吟番陽秋水濶湘浦未為深磯

屏送湘漕趙鼎宇宙歸微數安危委大臣金門一回首

王節久臨民雅志行思古清風不受塵絜齊家學舊用

處日如新石屏見江東傳家學術用如新風采英英照

七閩澄按併開都督府平反專奉太夫人關河未定心

憂國靡節相仍澤在民間說青雲多故舊不應又作外
臺臣石屏親曾提樞星居紫極遙映使星明天下推明
德君家好弟兄一臺振綱紀列郡想風聲不試褰帷手
官曹未易清石屏投魯

倉使茶馬附

常平蠲役之政初察除方畧制朕以常平蠲役之政加
惠黎元又除黃棕制昔在神考取成三代制為常平蠲
役之政以利天下

不限員舉劾官吏熙寧十年李稷提舉成都府等路茶
場熙河市易事手詔曰川茶一司創置雖久未能就緒
儻非得材智之人益以事權無所成李稷風力固已可
仗然權勢輕小可依李杞例兼三司判官仍委權不限

員舉劾官吏

以蜀茶易馬四朝志元符末程之邵召對徽宗詢以馬
政之邵言戎俗食肉飲酪故貴茶而病於難得願禁沿
邊鬻茶以蜀產易詔可未幾易馬萬匹

摘山之良龍溪除起宗制必能為吾講摘山之利得克
廩之良

仲秋為市四朝國史程之邵主管秦蜀茶馬草黎州買
馬之弊歲以仲秋為市四月止

提舶

金山珠海市舶錄云市舶者其利不貲摧金山珠海天
子南庫也

金珠御史會稽圖經王絲以侍御史為廣南運使兼市

舶提舉舊番稅之來十說其一必擇精者絲令精粗兼取夷人悅之目為金珠御史

歲入三百萬緡中興會要高宗問張闡舶司歲入幾何闡對抽解與和買以歲計之約二百萬緡如此三路所入固已不少

郡守

厭承明之廬漢嚴助拜會稽太守數年間不聞問無善也賜書曰制詔會稽太守君厭承明之廬勞侍從之事懷故土出為郡吏會稽東接於海南近諸越北枕大江間者濶焉久不聞問具以春秋對毋以蘇秦從橫助恐上書謝稱臣助當誅陛下不忍加誅願三年計最詔許

明府必為宰相後漢鄭弘遷淮陰太守行春大旱隨車致雨白鹿方道俠轂而行弘怪問主簿黃國曰鹿為吉為凶國拜賀曰聞三公車轡盡作鹿明府必為宰相書注附謝承

輿人歌後漢岑熙為魏郡太守無為而化視事二年輿人歌之曰我有枳棘岑君伐之枳棘喻寇我有蝨賊岑君遏之蝨賊喻姦吏侵漁狗犬不驚足下生蹇蜺也吠無鼉也含哺鼓腹焉知凶災我喜我生獨丁斯時美哉岑君於戲休茲

政如魯衛漢馮奉世子馮野王字君卿馮立字聖卿立為五原太守徙西河上郡居職公廉治行畧與野王相似吏民嘉美野王立相代為太守歌之曰大馮君小馮君兄弟繼踵相因循聰明賢智惠吏民政如魯衛德化

均周公康叔猶二君

夢三刀 晉王濬為廣州漢陽太守夜夢三刀又益一刀

主簿曰三刀為州明府其臨益州乎果遷益州刺史

願借寇君一年 後寇恂為潁川太守召為執金吾光武

幸潁川百姓遮道願復借寇君一年乃留鎮之

大南郡小南郡 南史劉之遴字思貞除南郡太守武帝

謂曰卿母年德並高故令卿衣錦還鄉盡榮養之理轉

安西中郎湘東王繹長史太守如故第之亭字嘉會代

之遴為安西湘東王繹長史南郡太守荆土懷之不復

稱名號為大南郡小南郡

新安大好山水 南史徐摛字士秀武帝問五經大義歷

代史及百家雜記末論釋教應答如響帝加歎異寵遇

日隆朱异不悅謂所親曰徐叟出入兩宮漸來見逼遂

承間白帝曰摛年老又夢泉石意在一郡自養帝乃召

摛曰新安大好山水任昉等並經為之卿為我臨此郡

中遂出為新安太守為政清靜甚月風俗便改

以春秋斷獄 後漢何敞遷汝南太守在職以寬和為政

分遣儒術文吏案行屬縣顯孝悌有義行者及舉軍獄

以春秋義斷之郡中無怨聲

鬼椰揚 世說載羅友家貧乞祿於桓温曰臣昨中路見

一鬼椰揄曰我只見汝送人作郡不見人送汝作郡温

笑以友為襄陽太守

贊皇歲四熟 唐尹思貞治州有績蠶至歲四熟

公粟賤追李現 唐李現為零陵太守為政得人心時京

師米翔貴百姓誼曰欲乘賤追李現

詩 出去暫開貔虎幕歸來須占鳳凰池鬢間未有一莖

白陶鑄蒼生固不遲鬢幾年為郡守家似布衣貧沽酒

迎幽客無金與近臣搗茶書院靜講易藥堂春歸闕功

成後隨車有野人謝擊鼓鳴笳引畫船一麾行指斗牛

邊壯懷驥駟思千里飲量虹蜺吸百川水遠芰荷香不

斷溪清樓觀影相連烏程釀美吳娘舞剩醉江南橘柚

天餽子開送陳成高懷聊寄服眩郡雅望咸歸喉舌司

嶺正辨送趙天下無雙士淮南第一州文章老元帥節

義古諸侯馮揚州贈皓首潘郎少似君一麾新得浙江

濱神仙窟宅金華近吳越封疆寶婺分沈約瘦來題八

詠張顛醉後掃千文才高政美應無事莫厭雙溪滌白

雲陳古靈送鍾離暫驅太守朱轡去應有兒童竹馬期

塞外煙雲千里靜帳前貔虎萬兵隨古靈送曼炎海韶

州牧風流漢署郎分符先令望同舍有輝光杜甫送韋

州使君高誼驅今古寥落三年坐劍州但見文翁能化

俗焉知李廣未封侯杜寄李印文生綠經旬合硯匣留

塵盡日封柳寄周韶

通判

真宰唐則天求宰相狄仁傑曰荊州長史張柬之

其人雖老真宰相才也

鳳鳴杜甫贈虞司馬詩爽氣金天豁清談玉露繁

竹鳴南嶽鳳欲化北溟鯤

賀知章因病求還鄉拜其子曾為會稽郡

司馬令侍養御製詩贈行

別施一榻孔休源為晉安王長史南陵太守別勅專行南徐州事休源累佐名藩王深相倚仗常於齋中別施一榻云此是孔長史座人莫預焉

詩清若壺冰斷若金孜孜長見恤民深三年佐郡神明政一旦歸朝父老心遺愛海波無斷處去思秋色有餘陰臨行曲為留旬日少慰攀轅淚滿襟孔毅甫送張通判諸侯非棄擲半刺已翱翔○月分梁漢米春得水衡錢○每覺昇元輔深期列大賢○如公盡雄俊志在必騰騫並南寄賈司案牘來時惟署字風煙入興便成章錫送王馬嚴使君

幹官

風力強敏四朝國史唐義問傳字士宣熙寧中辟京西轉運司管當文字神宗覽本道章奏知義問所為以其言訪於輔臣因黃好兼領使省諭之曰唐義問風力強敏行且用矣可面詔之尋以為司農管當公事

毋得隨長官出巡熙寧八年詔諸路提點刑獄司檢法官今後毋得隨長官出巡

詩臺幕三年醉雲霄萬里西山餞行色南浦棹新晴骨秀荆山璞曾涵元氣英更携扛鼎筆祇合上蓬瀛運屏送陳八斗文章用有餘數車聲譽滿江湖今年好獻南郊賦幕府文書有暇無石屏寄劉制


教官

州博士隋潘徽為州博士

郡文學職林光武問武臣曰請卿自度爵祿何所至也
鄧禹曰臣少嘗學問可郡文學

冷官杜甫醉時歌諸公衮衮登臺省廣文先生官獨冷
文士四朝國史任諒字子諒為懷州教授徽宗見其所
作新學碑曰文士也擢提舉夔路學事

不撰樂詩四朝國史鄒浩字至全調揚州穎昌府教授
呂公著范純仁為守獨加禮重純仁嘗屬撰樂語辭不
為純仁曰翰林學士亦作此浩曰翰林學士則可祭酒
司業則不可純仁謝



錦繡萬花谷別集卷之十

文正公

